

中國方志叢書·華中地方·第三八八號

據

清·張超修，張敏行纂
同治八年刊本

影印

四川省

續漢州志

(一)

5430/06
成文出版社有限公司印行



10101383

中國方志叢書·華中地方·第三八八號

據

清·張超修，張敏行纂
同治八年刊本


影印

四川省

續漢州志

(二)

成文出版社有限公司印行



10101384

中華民國六十五年 月臺一版

續漢州志

全二冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

續修漢州志序

邑之有志蓋將以驗風俗之剛柔言
政治之寬猛以期合於古太史輶軒
之採固不僅以文章誇嫺雅也

國朝右文崇治二百五十餘年凡有司牧
之責者咸思端臬疆索潤色鴻猷使

不能閭紀究宜以望政教倘或詢以
所轄之山川扼要輿地因革及耆儒
碩彥之流風蓋士貞媛之德行而不
克如數家珍深滋愧矣况漢州肇始
於漢初置雒縣屬廣漢郡後漢移郡
及益州皆治於此晉隋迭為郡縣唐

垂拱二年始置漢州後復改為德陽
郡乾元中又改為漢州歷宋及元以
雒縣省入始定今名其沿革遷徙旣
繁瑣於他邑而地大物博尤為蜀都
赤紫之區乃舊志自乾隆十一年重
修迄今百有餘年此續修之舉誠當

務之急也同治戊辰元杰承乏來州

維時權州事者為董棣生司馬已俞

邑人之請重為採訪輯錄適關中張

貽齋明府掌教於斯即延請秉筆旁

搜遠紹詳盡無遺元杰樂觀厥成而

又喜董司馬之虛心張明府之敬事

均嘉惠於廣漢以導余之先路也爰
促付手氏為之書其緣起書成之後
誠能寥置一編使邑之髦俊聞昔人
之典型有以作其感發奮興之氣即
官於斯者亦得按圖稽古勉繼前修
因地制宜以為編氓造福則又元杰

與後之來者亟宜共勗焉矣

同治八年五月中浣漢州知州陳元

杰叙



序

書之有志卽國之有史所以詳記載備參考也

聖朝典章炳煥文物光昭省郡州縣各有成書豈廣漢獨不徵文考獻以備採擇昭一代之文明乎顧繁冗者支離草率者苟簡牽強附會者謬誕揚厲鋪張者浮夸烏覩所謂良史哉王漁洋之言曰近

世之志言簡事賅訓詞簡雅莫如康對
山武功志後有作者仿其體裁奉為模
楷誠得其要領者歟州志自嘉慶二十
三年前輩張臨川先生重修倣省局頒
式分門別類目錄五十有一共計四十
卷闕者補之訛者正之汰繁刪蕪總大
綱而釐訂之較前志為獨詳矣年來疊
奉 憲札催飭續修誠以六十年來職

官選舉儒林仕官繼起有人纂之滇匪
蹂躪凡忠烈之士與夫節婦貞女均宜
採入誠善舉也歲丁卯張松岩司馬權
篆此邦適甘肅進士張勉齋主講書院
延訂續修中亦襄事其間不數月而告
成時經費不敷未付剗剗明年開州
董棣生州牧因賓興各款議論未協亦
未付梓去歲江蘇陳子俊州牧蒞任下

車之始於此講求冀終其事因傳集紳
糧妥為籌議並云志之為書務求實據
勿事鋪張凡忠臣孝子義士節婦及官
師政事必有關於世道人心永為地方
造福者方可採入派諸生詳加校刊從
速告成真實心行實政者與是舉也初
則中與勉齋山長互相參考如職官選
舉忠烈節孝藝文均由採訪局彙送斟

酌後始行繼發至去夏赴任通泉所有
應行增修各條均山長一人獨理亦大
費苦心矣事始於同治丁卯成於己巳
其間歷日歷月經久始刊緣採訪增修
絡繹不絕用是遲遲尚冀諸君子格外
鑒原焉

同治八年六月朔有十日射洪縣訓導
州人曾履中敘

續修漢州志序

天有志乎日月五星志也地有志乎山川九州志也古
今而無志胡爲乎三皇五帝三王五霸象四時也人物
而無志胡爲乎經部史部子部類部貯四庫也夫志
識也記也心之所之也博聞強識記言記動志天地古
今人物俾人人奉爲龜鑑定其心之所之以成風俗之
通豈囿於一州一縣耶憶庚子冬行寓部門同年曹太
史宅代同年分校國史館太平一統志至湖北孝感
縣石福村孝婦一起慘然曰帝女填海齊婦含冤不是

過也 國史其鑒之矣校至敘永廳志略見一斑而未
詳四川志也乙巳提南宮丙午宰西蜀經漢州見大漢
小漢鎮之風俗而未見漢州志也迨至補隆昌丙午壬
子兩次分校徐支學政兩次襄校見漢州之文而未見
漢州之志也旣而丁艱守制應同鄉李藹山聘教其子
應莘成進士雖校書院課藝與閤邑試卷見士風未見
州志也同治二年復來川寄鄉前輩牛臬司署漢州刺
史劉丙齋聘之主講書院及刺史亡司馬張公超兼聘
修志乃見漢州全志係州舉人張懷泗手筆旣詳且贍